



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus I. Quid sit ultima Voluntas? quid Testamentum?

[urn:nbn:de:hbz:466:1-73045](#)

QUÆSTIO XXVI.

DE TESTAMENTIS, ET ULTIMIS VOLUNTATIBUS.

1989 **P**ost varios contractus inter vivos, de quibus præmissis titulis actum est, descenditur nunc ad ultimas voluntates, quibus etiam inest vis, & efficacia transferendi dominium in eos, quibus id per eū modi voluntatem constituitur, unde hoc titulo plura in quæstionem veniunt. 1. De ultima voluntate, 2. De Testatore, 3. De hæreditate, de Legatis, &c. quæ vero consequuntur (ut sunt Sepultura, ac expensis funerum) ut & de successionibus ab intestato, dicemus suis titulis, qui subsequuntur præsentem.

ARTICULUS I.

Quid sit ultima Voluntas? quid Testamentum?

1990 **U**ltima voluntas, prout definitur à Molina *tom. 1. de jure & iust. D. 124.* est gratuita Dispositio de bonis, in tempus post mortem disponentis; dicitur *ultima*, non respectivè ad aliam priorem, sed, quia firma est, suumque sortitum effectum, irrevocata persistens usque ad ultimum terminum vitæ disponentis, atque adeo qua non dantur aliae posteriores voluntates, per quas sua vi privatæ; sic accepta habet sè per modum generis, & continet sub se quinque species, seu dispositiones, utnot. Glos. *ad anthen. de hared. & Falcid.* *§. quia vero*, scilicet testamentum, codicillum, legam, fideicommissum, & donationem causâ mortis, de quibus in sequentibus nobis agendum est.

1991 **T**estamentum, ut habetur Instit de testam. initio, dicitur *quasi mentis restatio*, vel (ut placet Covar. *in rub. de testam. p. 1.*) dicitur, *quasi testamen*, ut sit Testatoris de sua ultima voluntate testimoniun, apud Ulpian. *L. 1. ff. qui test. fac. poss.* sic definitur: *Testamentum est Tom. III.*

voluntatis nostræ justa sententia, de eo quod quis post mortem suam fieri vult; volunt aliqui huic definitioni nihil addendum esse, per quod à Codicillo, & reliquis ultimis voluntatibus discernatur, quasi in illa particula (*justa sententia*) quæ intelligitur plena perfecta, & solemnis, contineatur *institutio hæredis*, per quam discernitur, tamen cautius videtur ex Glossa Accursii, Molina *D. 124.* & Lef-
fio *lib. 2. c. 19. dub. 1.* addere particulam (*cum directa hæredis institutione*) loco generis ponitur (*sententia*) hoc est decretum exterius prolatum; additur (*vo-
luntatis*) ad differentiam sententie Judiciis, qui non debet juxta voluntatem profferre sententiam; sed juxta allegata, & probata; dicitur 2. *voluntatis nostræ*, ni-
mitum non alienæ, nam testamenta ex alieno arbitrio pendere non debent. *L. II-
la 32. ff. de hared. instit.* & ideo, qui alium arbitrio suo de rebus suis disponere sinit, nihil agit, perinde, ac si nullum testamen-
tum factum esset; sed hoc intellige juxta dicend. à *n. 2116.* Dicitur 3. *sententia iusta*, hoc est legitima, & juris disposi-
tioni ita conformis, ut valorem habeat;
particula (*de eo, quod quis post mortem suam fieri vult*) distinguit testamentum à donatione inter vivos, & reliquis contra-
ribus; postrema (*cum directa hæredis institutione*) distinguit illud à reliquis ultimis voluntatibus, quia nulla ex illis con-
tinet hæredis institutionem.

Codicillus, quasi parvus codex, jux-
ta Gloss. *ad L. fin. C. de Codicill. est Scriptu-
ra vel litera, in qua Testator suam volun-
tatem figurat, nullù indigens solemnitate.*
Juxta Spiegel: *v. cod.* est voluntatis nostræ
sententia, de eo, quod post mortem fieri
volumus absque hæredis institutione. Hinc
Codicillus differt à testamento 1. Quod
Codicillus non fiat ad instituendum
Nnn hære-

466 Tract. in Lib. III. Decretal. Quæstio XXVI.

hæredem, nisi aliquando ex privilegio, quale conceditur militi. L. 36. ff. de milit. test. sed fiat ad aliquid in testamento explicandum, vel mutandum, addendum, vel detrahendum; 2. Quod secundum jus commune in codicillo sufficiente quinque testes, etiamsi nec sint rogati, nec masculi, at in testamento requirantur septem rogati masculi, & puberes. *Codicillaris* clausula est illa, qua significat Testator se velle suam dispositionem valere per modum, vel testamenti, vel Codicilli, vel meliori modo, quo potest; habet eam vim, ut, si testamentum non valeat, quæ testamentum (nempe quoad institutionem hæredis ex defectu solemnitatis) valeat, quæ Codicillus. Ex quo fit 1. ut legata tali testamento relicta solvi debeant; 2. Si Testator, habens liberos, instituat extraneum hæredem, institutio illa directè habeat vim substitutionis fideicommissariæ: nam frater, vel alias, qui succedit ab intestato, tenebitur illi tradere hæreditatem retentâ solum quartâ ejus parte, quam vocant Trebellianicam: 3. Si verè habeat liberos, illi habeant solum legitimam; extraneus autem sic institutus habeat reliqua; hæc ex Lessio l. 2. c. 19. dub. 1. & Molin. D. 132.

1993 De Legatis dicemus infra. 2033. de fideicomiss. eod. De donatione causâ mortis constat ex dict. a. n. 1956. Inter testamentum, & donationem causâ mortis ponunt aliqui hoc discrimen, quod in testamento non requiratur præsentia hæredis, L. Cum Pater. §. Surdo ff. de legat. 2. at in donatione causâ mortis requiratur præsentia Donatarii, L. Si inter mortis. ff. de donat. caus. mort. adeo, ut alias nequeat donationem nomine alterius acceptare, nec acceptatio postea facta per donatarium prospicit, ita Covaru. 3. p. rubr. de test. n. 13.

ARTICULUS II.

Quotuplex sit Testamentum?

1994 Suppon. olim ab antiquitate duas tantum testamenti species fuisse agnitas, unam, quæ dicebatur testamentum *calatis comitis*, & fiebat coram populo, & ratificabatur attestacione Quiritium, *calatus*, hoc est, *vocatis Comitiis* bis in anno, juxta Gellium lib. 3. c. 27. alte-

ram, quæ dicebatur *procinctum*, de quo Justin. *Instit. de testament.* §. 1. & fiebat, quando milites in prælium essent prodituri; sic appellatum ab habitu militari, *procinctus* enim dicitur, qui accinctus est, & paratus ad confligendum cum hoste. Ne vero ante comitia homines morte præventi sine testamento decederent, tertium quoddam excogitatum est, quod (teste Conano l. 9. *Comment. c. 1. n. 4.*) fiebat per *imaginariam emancipationem*, seu venditionem: nam per id temporis mines nullum agnoscebant Contractum præter venditionem, atque adeo in Commerciis & quibuscumque actibus, eo usi fuerunt, ut in adoptionibus, manuissionibus, emancipationibus, & hædum institutionibus; sed hæc antiquorum divisio jam abolita est, ut constat ex L. *Quoniam, C. de Testament.* & §. *Præteris, Institutis.* quibus modis jus patriæ potestat. & tradit. Brifonius l. 1. *selectorum. c. 7.*

Hodie testamentum, ratione finis 1995 aliud est *ad pias causas*, aliud, *ad causas profanas*; 2. Ratione objecti, aliud est *inter liberos*, aliud *in extraneos*; 3. Ratione causæ efficientis aliud est *paganum*, & *militare*. 4. Principaliter aliud est *scriptum*, aliud, *nuncupativum*; quorum quodlibet, si fiat cum solemnitatibus iure requisitis, dicitur *perfectum*, & *solemne*, si secus, *imperfectum*, & *minus solenne*, ut contingit in testamentis *privilegiatis*, qualia sunt testamenta ad pias causas, inter liberos &c. quæ scilicet privilegio eximuntur ab onere, vel omnium, vel facultate aliquarum solemnitatum, ut patet ex seq. Sub prædictis continentur complures alias species, de quibus per cursum.

Inter illas enim venit testamentum 1996 *b holographum*, quod scilicet manu ipsius Authoris, seu Testatoris totum scriptum & subscriptum est; *captatorium*, quod confertur in alterius arbitrium; ut, si Testator dicat: *Instituo hæredem bonorum meorum quem, vel quos Titius voluerit*, item, *Instituo Sempronium, si Titius voluerit*. Idem procedit, si dicat: *Ilego centum ei, quem Titius voluerit, vel Sempronio, si Titius voluerit*, L. Illa *institutio*, & L. *Captatoria. ff. de hæred. instit.* apud Molin. tom. 1. D. 157. & Less. lib. 2. c. 19. n. 10. dicitur *captatorium à ca-*